



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Benedicti Ariæ Montani Hispalensis Poemata**

In Qvatvor Tomos Distincta

Humanæ salutis Monumenta, & Odæ variæ

**Arias Montano, Benito**

**Antverpiæ, 1589**

In Daudis effigiem. Carmen Tricolon Tetrastrophon. XXIII.

**urn:nbn:de:hbz:466:1-44973**

MŌNVMENTA.

35

Nathan suorum secula temporum  
Scripsit fideli certa volumine,  
Qua cunque vel gessere reges,  
Vel populi subiere ducti.

CONSILIOR. INTEGRITAS.

Simplicitas, veri studium, obsequiumque fidesque  
Grata Deo, & cunctis commoda temporibus.

HONESTI DOCTORI GRA.

V I S S. P.

In Davidis effigiem.

*Carmen Tricolon Tetrastrorum.*

XXIII.

D Odum innocenti pectore perpeti  
Casus, labores, exilium, minas,  
Iras, furores, ac superba  
Monstra, virum canimus domantem:  
Decepta cui non foedera centies  
Regis minacis & nimium feri,  
Oitensa nec vulgi repulsa  
Spernque, animique fidem repellunt.  
Responsa magni & consilium Patris  
Dum mente certus concipit integra,  
Audax vel obiectos per ignes  
Ire valet, superatque victor.  
Cælo minantis, gentibus & feri,  
Horrenda vasti tempora Goliae,  
Assertor atque vltor suorum,  
Strauit humi caput & recidit.  
Vincenda semper prælia, & hostibus  
Antè inquietis impositum iugum,  
Sperare iam primis in annis  
Vrsa cadens dabat & læna.  
Incisa quondam marmore duplici  
Præcepta verbis ac digitis Dei  
Curavit, & morem sacrorum  
Constituit, celebresque ritus.

C 2

Idem

36 HUMANAE SALVTIS

Idem efficacis munere barbyti  
Victura dixit carmina, quæ Draco  
Antiquus audire obstupescat,  
Quæque probet Deus & secundet.

DIVINAE VERITATIS AR-  
GUMENTVM.

Otia honesta Deo, cuncta atque negotia summo  
Quæ dicat, hæc multis vita beata modis.

REGI FORTISS. INTEGERR. PIEN-  
TISS. VATI DVLCISS. POS.

In tabulam Salomonis.

Ode Dicolos Distrophos. XXV.

QVotquot prisca tulit, quotquot sperare futura  
Restores concesserit ætas,  
Diuitiisque, opibusque animi, sensuque profundo,  
Tu Salomon præcesseris vnus.  
Seu populis dare iura iuuet, seu ponere docta  
Virtutis præcepta petendæ;  
Seu cupias animo immensum penetrare per orbem,  
Ingenio & numerare diserto  
Naturæ variata modis spectacula miris,  
Quæcumque aut radiantia cælum  
Astra mouet, vel quæ duplici spatiantur in vnda  
Plurima monstra, vel omniparens quæ  
Multiplici profert vtero, atque alit vberè Tellus,  
Cuncta tibi cessere petenti.  
Obstupuit, peregrina tuas conspexit vt artes  
Gens acris non indiga sensu.  
Victa tuis siluere etiam miracula templis  
Quæ quondam celebrata sonabant.  
Quæ patet oceanus, gentes tua carmina discunt,  
Et recinunt iuuenesque, senesque,  
Æternique Dei nomen laudisque perennes,  
Sperandæ & monumenta salutis,  
Cetera & arcanis quæ te meditante figuris  
Excelsa Sion audiit arce.  
O Rex, ô felix; nullumque habiture priorem,  
Vna tibi & proba si foret vxor.  
Vltima nempe fuit vox te dignissima, vanum  
Esse, Dei timor vnde recessit.

HVMA.